

IFLA 2.0 kongsi ilmu

Program Pengurusan Pusat Sumber dapat penyertaan peserta luar negara

BERMULA dengan program berskala kecil pada 2018 dengan niat ingin berkongsi ilmu mengenai peranan Guru Perpustakaan dan Media (GPM), guru ini tidak sangka sambutan pada kali kedua program yang dilaksanakan pada tahun lalu mendapat penyertaan 300 guru.

Program Innovative, Futuristic, Library, Academia (IFLA 2.0) yang diselenggarakan GPM Cemerlang Sekolah Menengah Kebangsaan (SMK) Seri Pulai Perdana, Kulai, Johor serta Ikon GPM 2018 peringkat kebangsaan, Shah Ridha Abdul Jalil yang dianjurkan selama dua hari bermula 7 Disember lalu mendapat penyertaan guru dari seluruh negara.

Berlangsung di Auditorium, Jabatan Pendidikan Johor (JPNJ), IFLA 2.0 dianjurkan Persatuan Penasihat Pusat Pumber Negeri Johor, JPNJ, Bahagian Teknologi Pendidikan Negeri Johor dan Pusat Sumber SMK Seri Pulai Perdana.

"Program IFLA 2.0 merupakan perkongsian ilmu pengurusan pusat sumber sekolah.

"Seramai 300 guru dari seluruh negara termasuk Indonesia dan Singapura telah menyertai kami," katanya.

Menurut beliau, program itu dikelolakan sepenuhnya oleh pengawas

**PESERTA
 berpeluang
 melawat
 Pusat Sumber
 SMK Seri
 Pulai Perdana.**



pusat sumber SMK Seri Pulai Perdana dan SMK Mutiara Rini sebagai rakan kongsi media.

"Pada program itu, seramai 13 panel hebat berkongsi ilmu dan pengalaman masing-masing.

"Saya bangga dengan sokongan semua pihak, tak sangka idea yang saya buat secara kecil-kecilan pada tahun 2018 dengan 100 peserta dan urusetia semakin

mendapat sambutan," katanya.

Sehubungan itu, beliau menjangkakan seramai 700 guru akan terlibat dalam IFLA 3.0 nanti.

Cikgu Shah Ridha berkata, pengawas pusat sumber sekolah itu sememangnya dibimbing untuk mengurus pelbagai aktiviti dan program.

"Demi memastikan kemenjadian pelajar, mereka ditugaskan mengurus

semuanya termasuklah pendaftaran, juruacara, penginapan peserta, pengangkutan, makan minum dan sebagainya," jelasnya.

Justeru beliau akan mengadakan program itu setiap tahun dan berharap IFLA 2.0 dapat membuka minda GPM yang hadir mengenai bagaimana mengurus pusat sumber sekolah secara lebih kreatif.